



中论释



358

若汝见诸法， 决定有性者，

即为见诸法， 无因亦无缘。¹

汝说‘诸法有定性’，若尔者，则见诸法无因无缘。何以故？若法决定有性，则应不生不灭，如是法何用因缘？若诸法从因缘生则无有性，是故诸法决定有性则无因缘。²

若谓诸法决定住自性，是则不然。何以故？

359

即为破因果， 作作者作法，

亦复坏一切， 万物之生灭。³

¹ 一、《般若灯论释·观圣谛品》云：

汝若见诸法， 皆有自体者，
诸体无因缘， 还成自然见。

二、《大乘中观释论·观圣谛品》云：

汝若见诸法， 皆有自体者，
法若非因缘， 还成汝自见。

² 《中论释·明句论·观圣谛品》云：

[余宗究竟有何咎？为明此义，故次颂曰：

若汝见诸法， 决定有性者，
即为见诸法， 无因亦无缘。

若时汝见诸法决定有性者，性名不待因、缘故，诸法尽成无因无缘，谓无因亦无缘可得。]

³ 一、《般若灯论释·观圣谛品》云：

若因果无待， 作者及作业，
及至起灭等， 一切法皆坏。

二、《大乘中观释论·观圣谛品》云：





诸法有定性，则无因果等诸事⁴。如偈说：

360 361

众因缘生法， 我说即是空⁵，
 亦为是假名， 亦是中道义。⁶
 未曾有一法， 不从因缘生，
 是故一切法， 无不是空者。⁷

因果有定性，作作者亦然。
 乃至生灭等，汝悉破果法。

⁴ 《中论释·明句论·观圣谛品》云：

[汝实不见诸法无因，亦复不许无因见。故次颂曰：

即为破因果， 作作者作法；
 亦复坏一切， 万物之生灭。

即为破因果。如何破因果？若计瓶有自性，谓有定性，何用泥团等众因缘？是故即成无彼众因缘。无因而有瓶事果法亦复不称正理。若使无瓶，即成无作者——陶师，转绳等所用作法，亦成无作。无作、作者、作法等故，亦应无生无灭。若无生灭者，何得言有其果可得耶？以是因缘故，若许诸法有定性，则坏于果等一切万物。如是若许诸法决定有性者，汝即坏于一切万法，俱不可成就。]

⁵ 注：此处的“空”字，《大正藏》作“无”，但藏文版《中论释·明句论·观圣谛品》、《中论释·佛护论·观圣谛品》及《中论青目释·观圣谛品》中都作“空”。是故今当根据藏文文献及天竺梵志宾伽罗（即青目论师）的注释将“无”字改译作“空”。即成偈曰：

众因缘生法， 我说即是空，
 亦为是假名， 亦是中道义。

⁶ 一、《般若灯论释·观圣谛品》云：

从众缘生法， 我说即是空，
 但为假名字， 亦是中道义。

二、《大乘中观释论·观圣谛品》云：

若从因缘生， 诸法即无体，
 缘亦是假名， 非一异可有。

⁷ 一、《般若灯论释·观圣谛品》云：

未曾有一法， 不从因缘生；
 如是一切法， 无不是空者。

二、《大乘中观释论·观圣谛品》云：





众因缘生法，我说即是空。何以故？众缘具足和合而物生，是物属众因缘故无自性，无自性故空⁸。空亦复空，但为引导众生故，以假名说；离有无二边故，名为中道。⁹

若不从缘生，无少法可有；
由从缘生故，彼皆如幻士。

⁸ 《佛说胜义空经》云：

[佛世尊一时在俱卢数国，与苾刍众俱。

佛告诸苾刍言：“诸有法门，我如前说；复有正法，名胜义空，汝等谛听，极善作意，今为汝说。

诸苾刍！此中云何名胜义空？谓：眼生时而无少法有所从来；又眼灭时亦无少法离散可去。

诸苾刍！其眼无实，离于实法。以要而言：有业有报，作者不可得，此蕴既终，复他蕴摄；别法合集，因缘所生。耳、鼻、舌、身、意亦复如是。彼意生时，而无少法有所从来；又意灭时，亦无少法离散可去。

诸苾刍！彼意无实，离于实法，亦如前说，别法合集。此合集法，无实可得，因缘所生。此缘生者，所谓：无明缘行、行缘识、识缘名色、名色缘六处、六处缘触、触缘受、受缘爱、爱缘取、取缘有、有缘生、生缘老死忧悲苦恼，如是即一大苦蕴生。此所生法，无实可得，生已即灭。由是无明灭即行灭、行灭即识灭、识灭即名色灭、名色灭即六处灭、六处灭即触灭、触灭即受灭、受灭即爱灭、爱灭即取灭、取灭即有灭、有灭即生灭、生灭即老死忧悲苦恼灭，如是即一大苦蕴灭。如是等所说，是为胜义空。

诸苾刍！诸有法门，如前已说，今此正法，汝等当学。”]

⁹ 一、《中论释·明句论·观圣谛品》云：

[于我性空论者，是诸万物皆可成就。所以者何？如我所宗者，如论偈曰：

众因缘生法，我说即是空，
亦为是假名，亦是中道义。

缘起者，谓看待因缘所起芽、识等诸法是。是法即名自性无生，若法自性无生者即名是空性。如世尊说偈曰：

若从缘生则不生，彼缘起者体非有，
若属因缘此则空，解空者名不放逸。

《大乘入楞伽经》云：

“大慧！无自性者，以无生故密意而说。”乃至广说。

复次，《佛说百五十颂》亦说：“所谓一切诸法空，无自性故。”

凡性空者皆是假名，立空为因缘假立。如依轮等车分立名为车。依分所立者，即名自性无生。若法自性无生，即名是空性。立自性无生的性空法为中道义。此中若法自性无生，即成无所有。自性无生者亦应无灭，以是无法可灭故。离于有、无二边故，名自性无生的性空相为中道，谓中正轨迹。以是故知，空性、依缘假名、中道为名异义一。]





是法无性故不得言有，亦无空故不得言无；若法有性相，则
不待众缘而有；若不待众缘则无法，是故无有不空法。¹⁰

二、法尊法师译《回诤论偈》云：

诸说空缘起， 中道为一义，
无等第一语， 敬礼如是佛。

三、后魏三藏毘目智仙共瞿昙流支译《回诤论偈》云：

空自体因缘， 三一中道说，
我归命礼彼， 无上大智慧！

四、《大乘入楞伽经·集一切法品》云：

[复次，大慧！无生者，自体不生而非不生，除住三昧，是名无生。大慧！无自性者，以无生故密意而说。大慧！一切法无自性，以刹那不住故，见后变异故，是名无自性。云何无二相？大慧！如光影如长短如黑白，皆相待立，独则不成。大慧！非于生死外有涅槃，非于涅槃外有生死，生死涅槃无相违相。如生死涅槃，一切法亦如是，是名无二相。大慧！空、无生、无二、无自性相，汝当勤学。]

五、唐南天竺三藏菩提流志等奉制译《实相般若波罗蜜经》云：

[尔时，世尊复以一切如来永离戏论相，为诸菩萨说文字转轮品实相般若波罗蜜法门，所谓一切诸法空，无自性故；一切诸法无相，离众相故；一切诸法无愿，离诸愿故；一切诸法自性清净，般若波罗蜜清净故。]

六、《金刚顶瑜伽理趣般若经》云：

[尔时世尊，复依一切无戏论法如来之相；为诸菩萨说文字转轮品般若波罗蜜多理趣法门。所谓：“一切法空，无自性故；一切法无相，离众相故；一切法无愿，离诸愿故；乃至一切法自性清净，即般若波罗蜜多自性清净。”]

七、《佛说华手经·求法品》云：

[随是十二入，故有十二名；若随十二名，应有十二入。因地、水、火、风，和合故名入，凡夫随名字，如狗逐瓦石。若人不随名，亦不分别我，知我但假名，是人得寂灭。

寂灭中无法可名寂灭者；如是说无说，无说即寂灭。是法中无去，亦无有去者，若人通达此，则知寂灭相。若灭心行处，断诸语言道，无我无众生，是名为寂灭。]

¹⁰ 《中论释·明句论·观圣谛品》云：

[若以理推求，即如颂曰：

未曾有一法， 不从因缘生，
是故一切法， 无不是空者。

未曾有一法， 不从因缘所生。

如《中观四百论·破常品》云：

无有时方物， 有性非缘生；
故无时方物， 有性而常住。

又云：

愚夫妄分别， 谓空等为常，
智者依世间， 亦不见此义。

世尊亦说偈言：





中论释



智者了悟缘起法，不依是诸边执见，
有因有缘法得知，无因无缘法非有。
如是未曾有一法不从因缘生。缘生又是性空义，是故一切诸法无不是空者。以是因缘故，如我所宗者，一切诸法皆是空性。亦无彼说诸过失。]

